

Ignacy R. DANKA, Krzysztof T. WITCZAK, Robert ZAWADZKI

DE SCHOLA PHILOLOGIAE CLASSICAE LODZIENSIS

(AB INITIIS USQUE AD PROFESSORIS STEPHANI OŚWIECIMSKI
MUNERA DEPONENDA)

Philologiae Classicae Lodziensis schola apud Universitatem studiorum Lodziensem anno post Chr. n. millesimo nongentisimo quadragesimo quinto a Ioanne Oko condita est. Qui a mense Martio anni post Chr. n. 1945-ti ad mensem Iunium anni 1946-ti Cathedram Philologiae Classicae Lodziensem moderatus est. Postea mox mortuus est. Ei viro docto philologiae nostrae peritissimo nonnullae tunc iuvenes post tamen omnino notabiles personae, ut Maria Maykowska, Thaddaeus Błaszczyk, Anna Sadurska, assistebant. Illustrem illum philologorum Vilnensem (scilicet Ioannem Oko), qui repente ita mortem obierat, professor Georgius Schnayder post brevem intermissionem Cathedrae moderamine secutus est. Cui M. Smokowski assistebat. Tum doctor Marianus Golias docentis dignitate acquisita mira docendi facultate praeditus vires scholae paedagogicas sua opera auxit. Etiam professor Vilnensis Rymundus Gostkowski archaeologus philologos atque archaeologos docebat.

Pristinorum illorum scholasticorum nonnulla nomina, ut Annae Kamieńska poetiae, Bogdani Wiśniewski viri docti philologi eiusdemque philosophi, Lesconis Kołakowski clarissimi in Polonia peregreque philosophi, Ioannis Braun illustrissimi Varsoviae glottologi, Sabinae Nowicka, Bronislavae Krajewska, Antonii Żakiewicz magistrorum ob hanc aut ob aliam causam memorabilia manserunt.

Cathedra Philologiae Classicae Lodziensis ut institutio paedagogica trascenda anno post Chr. n. 1957-o occlusa est perque circa quattuor annos iuvenes scholasticos non aluit. Illo quidem tempore philologiae omnino parum favente studia classica paucis solum locis ut in Universitate Iagellonica Cracoviensi, item in Universitate Varsoviensi et Posnaniensi perrexerunt. At in illis supra mentione nostra nuncupatis universitatibus nonnuli viri feminaeque

doctrinae classicae studebant, qui postea Lodziam venerunt et post annum 1961-um schola Lodziensi classica renata ad eius incrementum, ut prole docta floreat, operam dederunt. Marianus quidem Golias per totam istam intercapedinem variarum Universitatis Lodziensis facultatum scholasticos linguam Latinam docebat.

Anno 1961-o olim doctor postea autem professor Stephanus Oświecimski, qui ante secundum bellum universum apud professorem Vilnensem Ioannem Oko doctrina classica imbuebatur, in Universitate Lodziensi novus Cathedrae Classicae moderator apparuit. Cui adiutores praeter Marianum Golias, Beniaminus Nadel, Anna Świderkówna, Raymundus Gostkowski, Thaddaeus Błaszczyk adveniebant aut ex aliis oppidis advehabantur. Assistebat autem professori Stephano Oświecimski Ignatius Richardus Danka Lodziensis, qui studiis philologicis Varsoviae finitis Lodziam urbem natalem revertit. Postea etiam proprii professoris Oświecimski discipuli, quos Lodziae educaverat, Iosephum Macjon, Vandam Gawłowska (olim Nalepa) aliosque dico, asesores eius fuerunt.

Hoc tempore etiam Societas Iuvenum Philologorum Classicorum condita est. Quorum iuvenum opera nonnulla vestigia in Polonice et Latine scriptis libellis chronicis aut in societatis documentis manserunt. Multa tamen praeterita, omissa, neglecta omnino oblitione obruta sunt. At quae Polonice et Latine in chronicis scripta sunt, aut memoria adhuc tenentur hoc loco paucis memorabuntur.

Omnino iuvenum philologorum Lodziensium opera in hoc posita est, quod in Cathedra consilia ab eis convocantur, dies festi quidam ab eis celebrantur, nonnumquam castra extra urbem ab eis ponuntur, peregrinationes quoque extraneae ab eis parantur et participantur. Quae opera aut potius otium per plus quam quinque lustra durat.

Consiliorum tempore iuvenes classici opuscula sua auscultantibus sodaliibus legunt, postea in utramque partem disputatur. Opusculorum aut orationum argumenta primum ad antiquitatem Graeco-Romanam pertinebant, postea etiam quaestiones genticae proponebantur, denique ludi addebantur ut recitationes et spectacula. Dies festus autem quotannis sancti Andreae celerabatur, cuius diei sacra vulgo Andrealia appellata ab anno 1975 Latine in Philologiae Classicae Annalibus describebantur. Ritus ergo fuit beanos sive scholasticos novos in congregationem accipiendi, qui Andrealium tempore celebrabatur. Oratio Latina professoris Stephani Oświecimski, nonnumquam eius vicarii Ignatii Richardi Dancae primo loco ponebatur. Quae oratio salutatoria vocabatur at plerumque etiam de philologorum Lodziensium auctoritate operibusque tractabat. Sequebatur augurii ritus: artificiosae aves augurales automatariae inferebantur et mittebantur. Quibus quasi viventibus granum spargebatur et eae per granum vacillantes, saltantes, quondam cadentes ferebantur. Quarum motu auguria sive auspicia fiebant. Beanos

autem Cathedrae moderator pluma longa anserina per umeros tangebat ac nonnullis sacris verbis additis studiosos philologiae nostrae faciebat et nominabat. Nonnumquam dis caelestibus carmina recitabantur. Postea convivium parabatur, cui illis temporibus nec vinum nec mulsum deficiebat. Cantilenae Latinae aut in Latinum sermonem versae, nonnullae quoque Polonicae cantabantur. Etiam hymni Homerici Graece et similia eis carmina hexametrica in restituta lingua Indoeuropaea composita recitabantur. Cuius restitutae protolinguae usus proprietas est philologorum Lodziensium. Festorum igitur tempore etiam leviores cantiones Indoeuropaeice cantabantur. Harum cantilenarum exemplo *Deiwolos Dolos*, quae post opusculum nostrum citatur, sit. Saepe spectacula dapibus Andrealibus addebantur. Postea studiosi ad discorum sonigerorum musicam saltabant.

Annis saeculi post Chr. n. vicesimi sexagesimis et septuagesimis a studiosis iuvenibus philologiae classicae Universitatis nostrae Lodziensis castra aestiva professore Stephano Oświecimski duce in Silesiae variis locis amoenis plerumque in oppidis, suburbii sive pagis prope silvas veteres ponebantur. E quibus aestivis egredientes silvas, prata, paludes migrantes perquirebant iuvenes philologi sepulcreta, templa, arces et inscriptiones Latinas, libentissime eas, quae pro signo gentis Polonicae hac in terra haberi potuerunt, describebant.

Annis 1968, 1970, 1971, 1972 professori Stephano Oświecimski domina Wanda Gawłowska assistebat quae de inscriptionibus Latinis in Silesia inventis et de Francisco Mymero Leomontano parum noto scriptore Silesio scripsit et in „*Philomatae*” fasciculis annis 1971 et 1972 publicavit. Anno 1969-o doctores Iosephus Macjon et Ignatius Richardus Danka castris praefuerunt.

Quorum castrorum duae descriptiones in Cathedrae Philologiae Classicae Lodziensis Actis ad tempus hodiernum manserunt, altera mense Julio anni 1969 scripta, altera item mense Julio at anno 1974-to scripta et imaginibus lucis ope pictis ornata. Priorem Ursula Śmiałkowska et Iolantha Rześna (postea Danka) composuerunt, alteram modesti auctores nominibus non subsignaverunt, sed eadem dominula Śmiałkowska tunc professori Stephano Oświecimski assistebat. Participavit quoque eorum castrorum munera dominula Danuta Jędrzejczak, quae annis huius saeculi octogesimis Cathedrae nostrae magistra fuit, nunc autem doctrix est. In nonnullis imaginibus laeta apparent philologorum ora, in aliis autem splendida Vratislaviae et aliorum Silesiae oppidorum aedificia. Aliorum castrorum participum et locorum nonnulla photographemata in Cathedra servata sunt, sed sine descriptionibus parvus eorum usus est. Aestivorum anni 1969 tempore studiosa Grażyna Pawlikowska moderabatur, patronus Iosephus Macjon fuit et Richardus Danka operam participavit, qui viri Catedrae Philologiae Lodziensis doctores facti sunt.

Postea septimo huius saeculi decennio (id est: annis octogesimis) nova castrorum aestivorum series, quam una cum historiae Universitatis nostrae Lodziensis scholasticis iuvenes philologi faciebant, continuabatur. Eis *parandi*

Sbigneus Danek maximam operam dabat aliique strenue ibi laborabant iuvenes philologi, at res eae alio loco describendae iam sunt.

Ut supra polliciti sumus, deo Dolo consecratam cantilenam iocosam a studiosis philologiae classicae Universitatis Lodzienensis olim cantatam, cuius in texto etiam Professor Stephanus Oświecimski memoratur, ab Halina Danka, una ex puellis antiquitati Romanae et Graecae studentibus, circa annum 1972-um in restituta lingua Indoeuropaea compositam, tempore aliquantulum mutatam, hoc loco citamus.

DEIWOLOS DOLOS

The musical score consists of five staves of music. The lyrics are placed below the staves, corresponding to the notes. The lyrics are:

- 1.3. Es-ti ta-li-kos ...
- 2. Ai Do-le ...
- 1. El-ghol! Swa-du ne ...
- 2. Ja-li ...
- 1. Es-ti ta-li-kos ...
- 2. Ja-li ...
- 1. So do-per ...
- 2. Pro-ti im ...
- 1. So es-ti ...
- 2. Pro-ti tom ...

Accents are marked with the number '3' over some notes. Measure numbers 1.3., 2., 1., and 2. are indicated above the staves.

Esti tālikos deiwolos Dolos,
Yos pelu duskhēketi,
At yedā prekm̄ is adkapeset,
Tom līgu sudhēkeset.

Esti is sūnus deiwās Mñdhronās
Deiwosyo-k^we Skotosyo,
Esti is nepōts periklutosyo
Deiwosyo Worwñosyo.

Ai, Dole, Dole!
Gnōnts meyām dhughām
adg^wemetōd ki-dhegh^wen.
Esset moi te-kom
atk^we toi me-kom

Swādu, ne swādu – smeiron. Eighō!
Swādu, ne swādu – smeiron.

You apo kwased
Yedā enstāset
Sāwelyos ep' nebhesi,
Yāli welesi, yāli maghesi,
Dusdhēkesomes, eighi!
Yāli welesi, yāli maghesi,
Dusdhēkesomes, eighi!

Esti tālikos senos wiskos,
Yos nomnyetai Oświecimiskos.
So doper esti menei doliyos,
Proti im, Dole, esdhi kelpliyos.
So esti wiros peridoliyos, eighō!
Proti tom, deiwe, esdhi moi priyos.

O ŁÓDZKIEJ SZKOLE FILOLOGICZNEJ

(streszczenie)

Autorzy dają krótki zarys historii filologii klasycznej na Uniwersytecie Łódzkim od roku 1945 aż do odejścia na emeryturę profesora Stefana Oświecimskiego (1976), skupiając uwagę przede wszystkim na działalności dydaktycznej. Wymieniają przy tym nazwiska licznych wykładowców i wychowanków z tego okresu, wspominają o obchodzonych uroczystościach i organizowanych obozach naukowych, a na koniec prezentują żartobliwą piosenkę studentów łódzkich (z lat siedemdziesiątych), w której wspomina się osobę prof. Oświecimskiego.